



明 卷 4
1100
卷

74

咸豐上諭



咸豐上諭

登極上諭

道光三十年即咸豐登極之年我嘉永三年

十月廿八日罪滿相穆彰阿者英二臣硃筆罪穆彰阿者英喻任賢去邪人君之首務也去邪不斷則任賢不專方今天下因循墮廢可謂極矣吏治日壞人心日澆是朕之過然獻可替否匡朕不逮則二大臣之職也穆彰阿身任大學士受累朝知遇之恩不思共難共慎同心同德乃保位貪榮妨賢病國小忠小信陰柔以售其奸偽學偽才揣摩以逢主意從前夷

咸豐上諭

錄之則穆彰阿傾排異已殊堪痛恨如達漢阿姚之
盡忠竭力有礙於已必欲陷之者英之無恥喪良同
惡相濟盡力合之此固寵竊權者不可枚舉我皇考
大公主正唯以誠心待人穆彰阿何以肆行無忌若
使聖朝早燭其奸則必立置重典斷不姑容穆彰阿
恃恩益縱始終不悛自本年正月朕親政之初遇事
摸稜緘口不言迨數月後則漸施其伎倆如英夷船
至天津初猶欲引者英為腹心以遂其謀欲天下羣
黎蠶食荼毒其心陰險寔不可問潘世恩等休休則
徐則屢言林則徐柔弱病軀不堪錄用乃朕派林則

徐馳赴粵西剿辦土匪穆彰阿又屢言林則徐未知
能去否偽言災惑使朕不知外事其罪寔在丁此至
如者英自外生成畏蕙無能殊堪詫異前在廣東時
恒抑民以奉夷人罔顧國家始進城之說非明驗乎
上垂天道下逆人情幾致變生不測賴我皇考燭悉
其偽速令來京然不卽于罪斥亦必有待今年者英
召對時屢言英夷如何可畏如何應事周旋欺朕不
知其奸欲常保祿位是以喪盡天良愈辨愈彰直同
狂吠尤不足惜穆彰阿暗而難知者英蠱而易著然
而貽害國家厥咎惟均若不立申國法何以肅紀綱

而正人心何以使朕不負皇考付託之重歟第念穆
彰阿三朝舊臣一旦置之重治朕心實有不忍姑從
寬革職永不錄用者英雖無能已極然究屬廸于時
勢亦姑從寬降爲五品頂戴以大部員外郎候補主
伊二人以私欺上乃天下亦共見者朕不爲已甚始
不深問辨理此事朕熟慮深計之久矣不得已之苦
衷爾諸大臣其共諒之嗣後京外大小文武各官務
當激天良公忠體國俾平素因循取巧之積習一旦
悚然卽悔毋畏難毋苟安凡有益于國計民生之大
端者直諫勿隱毋仍顧師生之誼援引之恩守止不

阿靖其爾位朕寔有厚望焉布告中外咸使知朕之
意特諭

咸豐二年十一月二十五日奉
上諭軍興以來將兩年矣廣西瘡痍未復湖南又遭塗炭近乃逆氛更熾擾及武昌漢陽所過郡縣悉被蹂躪雖桂林長沙兩省城幸保無虞而我民之遷徙流離亦已不堪言狀朕御宇三載未能安戢四方俾我民咸登衽席深宮自省豈止寢食不安因思軍管將帥及各督撫大臣皆先朝舊臣留為保我子孫黎民之用際此時艱孔急宜如何同心協力奠我蒼生以輔朕之不逮朕為吾民請命不憚祈禱頻仍每閱軍報云地方被害情形朕心如擣前令徐廣縉統領大兵分飭提

咸豐二年我嘉永五年十一月二十五日奉
上諭軍興以來將兩年矣廣西瘡痍未復湖南又遭塗炭近乃逆氛更熾擾及武昌漢陽所過郡縣悉被蹂躪雖桂林長沙兩省城幸保無虞而我民之遷徙流離亦已不堪言狀朕御宇三載未能安戢四方俾我民咸登衽席深宮自省豈止寢食不安因思軍管將帥及各督撫大臣皆先朝舊臣留為保我子孫黎民之用際此時艱孔急宜如何同心協力奠我蒼生以輔朕之不逮朕為吾民請命不憚祈禱頻仍每閱軍報云地方被害情形朕心如擣前令徐廣縉統領大兵分飭提

鎮追剿邵匪直抵武昌復命陸建瀛蔣文慶張市寧
各督官兵溯流迎擊昨又命琦善統帶各省馬步精
兵萬餘屯守河南南陽汝寧光州一帶爲楚應援別
調吉林黑龍江勁旅隨後接應各三省兵力不分畛
域而趨湖北合力攻剿逆賊以左道煽惑愚民肆行
搶掠荼毒生靈實屬覆載不容神人共憤經我軍逐
次殲戮外其兇悍之賊不過數千餘眾大半皆裝脇
之徒其甘心從逆者無多揆之天道人心賊匪惡貫
滿盈必當指日殲除不致久爲民患朕不惜數千萬
帑金藉資剿辦又特頒部帑以濟軍需此外仍飭寬

爲籌揆源源接濟該大臣督撫等均當仰體朕心爲
民除害行軍之道紀律爲先務須信賞必罰約束嚴
明俾知有進無退人皆用命卽小勝小負亦兵家之
常事總宜據實奉報不可稍有粉飾朕賞功罰罪悉
以軍報爲衡倘偏重偏輕何以令在軍營軍士知感
知懼至團練鄉勇乃民間自爲守禦藉以保衛身家
或各村自爲一團或數村共爲一團其經費應由紳
著自行經理豈可官爲抑勒且以守望相助之儔亂
紛紛調遣必致遷地弗良轉滋流弊民間捐助軍餉
好義急公朕方破格施恩若地方官藉捐需爲名委

員四出苛派搔擾吏胥因緣為奸又何以安善良而
 昭激勸即如會籌軍餉條款內稅契一節小國家成
 例然或辨理不善亦足以滋擾累朕宵旰焦勞冀蘇
 民困吾民一日不安朕心一日不釋則次被賊滋擾
 省分迭經降旨令該督分別蠲緩撫恤茲者岳州失
 守擾及武昌漢陽一帶眷懷南服憂思益深若再令
 疆吏飭厲照常征納小民其何以堪著該督撫細心
 體察被賊地方分別蠲緩奏請恩施其餘應徵收錢
 漕亦著嚴查各州縣總照舊開征勿得慎有浮勒庶
 期吾民於顛沛困苦之時不致再受追呼迫切之累

該大臣督撫等印刊刻謄黃徧諭閭閻其各仰體朕
 意速振軍心用殲羣醜毋再因循玩泄致干重罪將
 此通諭知之欽此

鎮閩將軍署閩浙總督臣怡良

福建巡撫臣王懿能

福建布政使臣慶端

福建按察使臣黃樂之

敬謹謄黃

載嗣行堅壁清野之法令民團練堡衛旋就盪平卽
今廣西湖南地方多有團勇保護鄉里賊不敢逼且
有殺賊立功者況各處鄉村良民多而莠民少若得
公正紳耆董理其事自不致別滋流弊卽地方間有
土匪一經約束亦將去邪歸正共保鄉閭惟在良有
司素得民心必可收衆志成城之效著該督撫分飭
所屬各就地方情形妥籌辦理並出示剴切曉諭或
築塞浚濠聯村爲堡或嚴守陌隘密拏奸究無事則
各安生業有事則互衛身家一切經費均歸紳耆掌
管不經吏胥之手所有團練兵丁亦不得遠行徵調

各團中如有捐資倡助或殺賊自効者地方官卽申
詳大吏據實奏聞朕必立加獎敘如廣西湖南各鄉
團出力者無不渥沛恩施凡土著良民各有產業卽
其倉皇遷徙拋棄田廬轉不免土匪乘機搶掠何如
堅守鄉里以子弟保衛父兄以家資保族黨乎至於
賊匪夥黨亦豈盡屬兇頑甘心從逆多因被賊裹脇
供其役使苟延喘息未由自新現在著名逆匪如蕭
湖貴等均已先後殲斃韋正亦伏冥誅惟一二逆首
尙誓顯戮賊匪惡貫滿盈神人共憤光天化日之卜
豈容魍魎久肆兇殘必當立就殄除以快人心而安

國圍朕奉行天討軫念羣生不惜數十萬帑金救民水火現復欽派大臣調集各路精兵合力會剿何難拂奴氣不留餘孽念此被脇之民不從則先死於賊從之則又死於兵蚩愚何知自罹陷穽古人云殲厥渠魁脇從罔治朕仰體上人好生之仁何忍概行誅戮如有被賊裹脇自拔來歸者不妨貸其一死有能縛獻首逆或爲內應殺賊立功或戮取長髮賊頭目首級來獻者不但赦其前罪更當當加以重賞其各深思猛省毋貽後悔我朝列聖相承深仁厚澤洽於庶黎朕以薄德紹承大統三載以來勤求民瘼惕厲

特深雖因各省水旱偏災並南河缺口蠲緩錢糧截漕賑濟粵楚被兵處所亦已分別查辦蠲緩加恩而民困未能盡蘇小惠恐難徧及每念生民塗炭撫育無方卽再三引咎自責亦屬虛文惟有恐懼自省叨顧昊蒼宥予之辜拯我窮黎中外文武大臣及地方官吏亦當激發天良爲民除害各省紳民人等自必同仇敵愾速殄賊衆從此永慶綏豐仰承天佑朕與天下臣民同深寅感茲值大祀禮成是用敷布朕懷重申誕告著該部及直省大吏刊刻謄黃宣示中外咸使聞之欽此

鎮閩將軍署閩浙總督 臣怡良

福建巡撫 臣王懿德

福建布政使 臣慶端

署福建按察使 臣趙霖

敬謹謄黃

咸豐三年二月十七日內閣奉上諭楊文定奏探報
 江寧省城失守等語覽奏不勝憤恨該撫接據探稟
 逆賊于二月十一日偷挖地道轟開儀鳳門又探奸
 匪內應賊見火起梯城而入究竟如何情形合城滿
 漢文武官員如何下落紳士商民遭此慘刻南望增
 悲若使援兵早到何至旬日之間遽行失守現已命
 怡良補授兩江總督星馳赴任楊文定駐守鎮江著
 卽暫署兩江總督事務聯英署暫行辦理江蘇巡撫
 事務向榮昨已繞至六合督率前調師船水陸扼要
 與文定等合力夾擊毋令蔓延所有江南被賊擾害

各州縣應征新舊錢糧著楊文定迅卽查明奏請蠲緩其附近地方居民防堵方殷艱安耕作著一併查明分別奏請施恩欽此

咸豐三年三月六日諭文

斬署閩浙總督部堂福建巡撫部院王為諭事照得廣西逆匪竄入江南滋擾地方現在欽差大臣督兵勦捕不日卽可撲滅閩省距江較遠近有不法流氓棍散布謠言搖惑衆聽居民人等被其愚弄咸有戒心本署督部堂職任兼圻於防堵事宜早已妥為布置現自閩省交界之浦城福鼎等縣以及江西聯界之汀邵各府所有杉關分水楓嶺各隘口均已派撥兵辦管帶重兵扼要防堵並移請陸路提督會同廷寧福寧各鎮帶兵鎮守所有形跡可疑之人已命地

方官不動聲色隨時搜捕山路關隘軍火充足逆賊
游魂豈能飛度誠恐爾等見聞淺近不免訛傳除將
造言匪徒嚴密防拿外合亟出示曉諭爲此示仰闔
屬紳耆軍民人等一體知悉自示之後各宜安心生
理無須驚惶如有前項匪徒不安本分造作謠言乘
機搶奪一經捕獲卽爲法所必誅決不寬貸主驛甲
一法事簡易行原係各固身家互相守望但能實力
團練斷不飭調他用及差派告累各宜凜遵勿生疑
慮特告

咸豐三年三月初六日 給

奉上諭向榮奏督兵追堵賊船情形一摺逆匪自竄
出武昌後順流東下該大臣於初四日追至葛店地
方擊沉船一隻並拋擲火罐焚燒近岸賊船三艘又
令各營挑選奮勇壯二千四百餘名不帶鑊帳親率
和春葉定三李端玉山福興等晝夜兼程趕往九江
冒雨前進極備艱苦已繞過賊船之前其先到九江
之賊船十餘艘經各鎮將督率兵勇開船擊壞七艘
該逆不能抵禦駛往北岸大股賊船繼至紛紛上岸
該大臣指揮官兵分路衝殺從辰至午斃賊多名現
存賊勢已退九江而我先從趕到行走尙爲迅速著

向榮督率鎮將等無分水陸兩相追剿陳金綬此時亦已統帶北兵趕赴安徽一帶與向榮合力夾擊並著陸建瀛張芾蔣又慶等于大山兩岸沿途節節扼要堵截毋得稍有疎虞至福建官兵中途走散竟至數百名之多帶兵將官不能約束咎已難辭且派令防守武昌共打仗亦不得力所有署漳州參將周兆麟遊擊顧德欽都司陳光標遊擊陳金鑾汀州遊擊禹士渚均著先行革職仍飭將汛兵嚴拿重辦以肅軍令總兵郭仁布統率無方所請議處之處著改爲革職留任以示懲儆欽此

奉上諭陸建瀛奏總兵剿賊捐軀一摺逆匪自出武昌以後擁船東下該大臣派令壽春鎮總兵恩長督兵趕赴九江上游迎剿該總兵分三路接戰督率水師太湖協副將劉長清等連開大炮擊碎逆賊船三十餘艘擊斃賊匪先鋒四五百人該逆匪抵死抗拒愈聚愈多該總兵猶復麾兵轉進竟以寡不敵衆力竭捐軀殊堪憫惻恩長追贈提督銜卽照提督陣亡例賜恤以慰忠魂欽此

奉上諭兵部奏吉林帶兵官擅離營盤請旨查辦等語此次吉林第八起官兵到京帶兵官理應在營彈

歷乃委管總常升等進城住宿以致兵力等無人約束四散棲止殊屬不成事體著領兵副都統巴棟阿節日查明帶兵官常升等六員因何擅離營盤之處據寔具奏勿得稍有含混欽此

奉上諭戶部奏請派員會籌試行鈔法一摺著派在都御史花沙納陝西道監察御史王茂蔭會同戶部官速議章程奏明辦理欽此

奉上諭陸建瀛奏賊匪東竄總兵陣亡自請治罪並以江夏緊要折回防剿各一摺賊匪自竄踞武昌後當經降旨令陸建瀛馳赴會同張芾勦辦乃由水路

前進已覺遲緩及聞所派鎮將於上游接仗失事該大臣輒卽退保江寧毫無布置實屬大負委任陸建瀛著先行革職仍責成辦理地方軍務一面防守江寧一面派兵接應安徽以觀後效向榮追賊現已馳抵九江著卽分派將辦督帶精兵奮力追剿前經輒次降旨諭令琦善先飭陳金綬帶兵馳赴安徽扼要策應乃不日據蔣文慶奏報河南援兵尚未到皖陳金綬是否起程琦善何日前進迄今未據奏報且皖省援甚急該大臣豈竟置若罔聞耶琦善著先行革去都統銜以示薄懲現在賊匪東竄密通九江陸路

賊匪距蘇松甚近若不痛加剿洗則蔓延尤不可問
陳金綬著卽選帶將精兵星馳赴皖琦善亦著督兵
前進爲陳金綬援應仍隨時知照向榮等于大江兩
岸互爲犄角分路進攻勿任賊匪順流直下倘該大
臣等仍前玩泄致江皖或有疎虞朕惟知執法從事
不能稍從寬恕也凜欽此

奉上諭陸應穀奏請截留黔省解運京鉛備用等語
貴州委員吳棻周廷元領運京局二起鉛船現在濟
寧州屬停泊山東卽著巡撫將此項京鉛內截留黑
鉛十萬斤委員迅解河南備用欽此

奉上諭張亮基奏請留員差委等語河南在藉之江
蘇知縣黃廷瓚安徽知縣曹光漢均著准其留于本
省委辦理團練事宜欽此

奉上諭奕興奏筆帖式捐兵餉等語盛京將軍衙門
筆帖式紹信著賞戴藍翎欽此

細閱邸抄逆匪自竄出武昌府乘船順流現在九
江府接仗又聞在安徽滋擾但九江府距江寧蘇
州松江三府甚近該處必有重兵把守防禦將來
我們回南其蘇州係必由之路未知能否通行之
處應俟探聽情形再通知

